

## CM GIPUZKOA SL-REN ETA ARRASATEKO UDALAREN ARTEKO HITZARMENA

Arrasate (Gipuzkoa), 2021eko uztailaren 2an

### ELKARTU DIRA

Alde batetik, MARIA UBARRETXENA andrea (NAN 72451129W), alkate modura jardungo duena, ARRASATEKO UDALAREN izenean eta ordezkaritza, Toki Araubidearen Oinarriak arautzen dituen apirilaren 2ko 7/1985 Legearen 21.1.b) artikulua araberak, hitzarmen hau sinatzeko baimen berezia emanez, Tokiko Gobernu Batzarraren 2021eko uztailaren 1eko erabakiz.

Bestetik, JAKES AGIRREZABAL IRIBAR (NAN: 72454730S) CM Gipuzkoa S.L.aren izenean (helbidea: Portuetxe kalea 2, 20018 Donostia; IFK: B20753208). Entitate horren gerente gisa jardungo du.

Bi aldeek agiri hau egiteko behar adina gaitasun aitortzen diote elkarri, eta ondorengo adierazpenak egin dituzte:

### ADIERAZPENAK

I.- CM Gipuzkoa SL sozietatearen helburua da kudeaketa eta koordinazio komertziala, publizitarioa eta sustapeneko egitea, zentzurik zabalenean hartuta. Berak da, hain zuzen ere, "MONDRAGON CITY CHALLENGE" ekimenaren antolatzaile nagusia.

Mondragon City Challenge Ekintzaitza Kooperatiboko Nazioarteko Lehiaketa da, ekintzaitza kooperatiboko jokaerak sustatzea eta gazteei eredu kooperatiboaren balio bereizgarriak hurbiltzea du helburu, partaideak eredu horretan oinarritutako proiektuak garatzera bultzatuz.

II.- Aurreko puntuan deskribatutako jarduerak egiteko, CM Gipuzkoa SL enpresak erakunde publikoen zein pribatuen laguntza ekonomikoa behar du. Horiek horrela, egitasmoak Arrasateko Udalen dirulaguntza edukiko du.

III.- Ekimenean parte hartzen dute antolatzaile gisa hurrengo erakunde publiko eta pribatuek: Eusko Jaurlaritzak, Gipuzkoako Foru

Aldundia, Euskadiko Kooperatiben Goren Kontseilua, Mondragon taldea eta Mondragon Unibertsitatea.

Aldi berean laguntzaile gisa hurrengo erakunde eta enpresek hartzen dute parte: Kooperatiben Aliantza Internazionalak, Asekoop-ek, Eroskik, Azaro Fundazioak, Arizmendiarrietaren Lagunak Elkarteak, Garaia Parke Teknologikoak eta Planeta SIEM-ek.

Aholkuari gisa parte hartuko dute: Laboral Kutxa, Eroski, Eika, Ecenarro, Rural Kutxa, Erreka, Ner Group, Leartiker eta Dicar enpresek.

Arrasateko Udala babeslea izango da.

IV.- Arrasateko Udalari interesatzen zaio, orokorrean, Arrasateko irudia herriko ekonomiaren bitartez sustatzea, eta, bereziki, kooperatiben munduaren inguruan, elementu bereizgarria delako. Arrasateko Udalaren eta CM Gipuzkoa SLren arteko elkarlanak Arrasateko irudia eta bere sustapen ekonomikoa, hezkuntza eta enpleguan oinarrituta indartu ditzake.

VII.- Aurrekoa ikusita bata besteari hitzarmen hau izenpetzeko gaitasuna aitortzen dio ondoko klausulen arabera:

## KLAUSULAK

LEHENA.- CM Gipuzkoa SL enpresak "MONDRAGON CITY CHALLENGE" antolatzeko konpromisoa hartzen du, bera baita antolatzaile nagusia, adierazpenetan jasotako gainerako antolatzaileekin batera.

CM Gipuzkoa SLk Arrasateko Udalaren laguntza izango du. Udaleko Hezkuntza eta Enplegu Saila izango da laguntza horren bitartekaria.

ARRASATEKO Udala ekitaldiaren babeslea izango da.

BIGARRENA.- Aurreikuspena da "MONDRAGON CITY CHALLENGE" 2021ean zehar gauzatzea, otsaila eta azaroa bitartean.

Lankidetzeta hau amaitutzat emango da hitzarmenaren betebeharrak betetzen direnean.

HIRUGARRENA.- "MONDRAGON CITY CHALLENGE" ekitaldiaren antolatzaile nagusi gisa, CM Gipuzkoa SL arduratuko da, bere baliabideen bidez, ekitaldiaren kontrol- edo ikuskapen lanekin lotutako gai guztiez, bai eta ekitaldiarekin lotutako gai teknikoek edo bestelakoez.

LAUGARRENA.- CM Gipuzkoa SL enpresak, "MONDRAGON CITY CHALLENGE" ekitaldiaren antolatzaile nagusi gisa, une oro eskura izango ditu ekitaldia egiteko hartzen diren eskubide eta baimen administratibo guztiak.

CM Gipuzkoa SL-k eta Arrasateko Udalak era koordinatuan egin eta eskatuko dituzte beharrezkoak diren tramiteak, agintaritza Instantzia eskudunen aurrean, CM Gipuzkoak ekitaldiari buruz adierazitako jarduerak kokatzeko eta antolatzeko lokal edo lur publikoen erabilera beharrezkotzat jotzen duen neurrian.

BOSGARRENA.- Ekitaldiari buruz egingo den publizitatean, Arrasateko Udalaren lankidetzan aipatu beharko da, korporazio-irudiaren araudiarekin bat etorriz (aurkezpenak, prentsaurrekoak, gehigarri berezien argitalpena, kanpaina informatiboak, ekitaldiaren estaldura informatiboa, Arrasateko markaren presentzia euskarrietan... ).

Proiektua aurrera ateratzeko beharrezkoak diren diru ekarpen publiko edo pribatuen kudeaketa CM Gipuzkoaren ardura eta zeregina da, eta beste inork ezingo du proiektu honen izenean ekarpen ekonomikorik eskatu berari dagokion ekarpenaren zama arintzeko asmoz.

SEIGARRENA.- Arrasateko Udalak proiektuko ekintza publiko guztietan parte hartuko du.

ZAZPIGARRENA.- Arrasateko Udalak honako bitarteko material hauek CM Gipuzkoa SLren eskuetan jarriko ditu, kosturik gabe:

Ekitaldia ondo garatzeko behar den materiala (mahaiak, aulkiak, hesiak, oholtzak... ).

Espazio publikoak: Kulturate, Amaia Antzokia, herriko plaza eta herrian beharrezkoak ikusten diren gunek.

ZORTZIGARRENA.- Ekimenaren aurrekontu guztia 240.000€koa da eta honela banatzen da: idazkaritza teknikoa 30.000€, komunikazioa 125.000€, produkzioa 30.000€, gastu orokorrak (desplazamenduak, etab...) 40.000€, sariak 15.000€.

BEDERATZIGARRENA.- Arrasateko Udalak 40.000 euroko dirulaguntza bideratuko du Mondragon City Challenge proiektura, 2021eko Udal Aurrekontuko "1.0910.471.241.30.00- Mondragon City Challenge" kontusailaz baliatuta.

Ordainketa 2 zatitan egingo da:

- 1) %25 ordainduko da hitzarmena sinatzen den egunetik aurrera, eta CM Gipuzkoa SL.k proiektuaren definizio txostena aurkeztu ondoren.

- 2) %75 proiektua amaitzean, CM Gipuzkoa SL.k exekuzio-memoria eta likidazio-ekonomikoa aurkeztu ondoren.

Aurkeztutako likidazioa hasierako gastu aurrekontua baino txikiagoa bada, diru laguntza gutxitu egingo da koefiziente zuzentzaile bat aplikatuz. Koefiziente hori, benetan erabilitako kopuruaren portzentajea izango da, hasieran eskatu eta onartutako kopuruarekiko. Likidazioan aurkeztu daitezkeen gastuak hornitzaileen fakturak eta lan taldearen orduak dira. Komunikazio kanpainari dagokionez, talde berdinekoak diren entitateen fakturak aurkeztu ahal izango dira, beti ere komunikazio ekintza guztien agiriak aurkeztuz eta aplikatzen diren prezioak merkatuko prezioak direla bermatuz.

Nolanahi ere, diru-laguntza ordaindu aurretik, erakunde onuradunak egiaztatu beharko du egunean dituela zerga-betebeharrak eta Gizarte Segurantzarekikoak.

HAMARGARRENA.- Jarduerarekin lotutako mezu idatziak (kartelak, eskuko programak, gonbidapenak, deialdiak, prentsa-iragarkiak, publizitatea...) euskaraz edo euskaraz eta gaztelaniaz egingo dira, salbuespen batekin: ekitaldiaren publizitatea Euskal Herritik kanpoko komunikabideen bidez egiten bada (El Diario Montañés, La Rioja, Sud Ouest, etab.). Euskaraz eta gaztelaniaz idatzita baldin badaude, euskarari lehentasuna emango zaio bai kokapenean (euskarazkoa gaztelaniazkoaren gainetik) bai eta neurrietan (letren tamaina handiagoa izango da euskaraz).

Ahozko komunikazioetan (aurkezleak, megafoniako mezuak, irratikoak, giro musika...) euskarari lehentasuna emango zaio. Gaztelania erabiltzea beharrezkoa bada, lehendabizi euskaraz emango da mezua. Twitter, Facebook... eta halako sare sozialetan bi hizkuntzak erabiliko dira.

HAMAIKAGARRENA.- Beste aldearen berriazko baimenik gabe, hitzarmen hau sinatzen dutenek ezingo dizkiote bere zeregin, eskubide edo betebeharrak beste edonori pasa, ez errentan, ez usufruktuan eta ez beste edozein modutan.

HAMABIGARRENA.- Hitzarmen honetan eta orohar azaroaren 17ko 38/2003, Dirulaguntzen Lege orokorrean jasotako betebeharrak betetzen ez badira, obligazioak bete dituen aldeak beste aldeari eskatu ahalko dio aipatu 38/2003 Legean eta agiri honetan aurreikusitakoa betetzeko. Dena den, obligazio horiek betetzen ez badira, alde betetzailerak alde ez-betetzailerari eskaini ahalko dio hitzarmen hau bukatzeko, eta hori, kalte-galeren konpentsazio gisa egin daitezkeen ekintzei utzi gabe.

cmgipuzkoa



HAMAHIRUGARRENA.- Diru-laguntza hau beste diru-laguntza batzuekin bateragarria izango da. Hala ere, dirulaguntza gehiago izan ezkerro, ekimenaren finantzaketa muga egindako gastuaren %100 izango da, hau da, Udalaren diru laguntzarekin ezin izango da, inondik ere, gainfinantzaketarik egon.

Horri dagokionez, eta diru laguntzak emateko udal akordioetan, berariaz, bestelako doitze edo erregularizazio sistematik ez bada adierazten, udalak, diru laguntzaren bukaerako ordainketa edo likidazioa egiterakoan, gainfinantzaketarik gertatu ez dadin, zuzendu egingo du ordaindu beharreko kopurua, benetan izandako gastuen eta diru sarreren arabera, eta, hala badagokio, gerta dalteke ordaindutako aurrerakinaren zati bat edo aurrerakin osoa itzuli behar izatea onuradunak.

**Maria Ubarretxena**

**Alkatea**

**Jakes Agirrezabala**

**CM Gipuzkoako zuzendaria**



